



मन्यु सूक्तम्-ऋग्वेद संहिता

<https://www.chalisa.online>

॥ मन्यु सूक्तम् ॥

ऋग्वेद संहिता; मंडलं 10; सूक्तं 83,84

यस्ते मन्योऽविधद् वज्रं सायकं सह ओजः पुष्पति विश्वमानुषक् ।
साह्याम दासमार्यं त्वया युजा सहस्कृतेन सहसा सहस्वता ॥ 1 ॥

मन्युरिंद्रो मन्युरेवास देवो मन्युर् होता वरुणो जातवेदाः ।
मन्युं विश ईलते मानुषीर्यः पाहि नो मन्यो तपसा सजोषाः ॥ 2 ॥

अभीहि मन्यो तवस्तवीयान् तपसा युजा वि जहि शत्रून् ।

अमित्रहा वृत्रहा दस्युहा च विश्वा वसून्या भरा त्वं नः ॥ 3 ॥

त्वं हि मन्यो अभिभूत्योजाः स्वयंभूर्भामो अभिमातिषाहः ।

विश्वचर्-षणिः सहुरिः सहावानस्मास्वोजः पृतनासु धेहि ॥ 4 ॥

अभागः सन्नप परेतो अस्मि तव क्रत्वा तविषस्य प्रचेतः ।

तं त्वा मन्यो अक्रतुर्जिहीलाहं स्वातनूर्बलदेयाय मेहि ॥ 5 ॥

अयं ते अस्युप मेह्यर्वाङ् प्रतीचीनः सहुरे विश्वधायः ।

मन्यो वज्रिन्नभि मामा ववृत्स्वहनाव दस्यून् ऋत बोध्यापेः ॥ 6 ॥

अभि प्रेहि दक्षिणतो भवा मेऽथा वृत्राणि जंघनाव भूरि ।

जुहोमि ते धरुणं मध्वो अग्रमुभा उपांशु प्रथमा पिबाव ॥ 7 ॥

त्वया मन्यो सरथमारुजंतो हर्षमाणासो धृषिता मरुत्वः ।

तिम्मेषव आयुधा संशिशाना अभि प्रयंतु नरो अग्निरूपाः ॥ 8 ॥

अग्निरिव मन्यो त्विषितः सहस्व सेनानीर्नः सहुरे हृत एधि ।

हत्वाय शत्रून् वि भजस्व वेद ओजो मिमानो विमृधो नुदस्व ॥ 9 ॥

सहस्व मन्यो अभिमातिमस्मे रुजन् मृणन् प्रमृणन् प्रेहि शत्रून् ।

उग्रं ते पाजो नन्वा रुरुध्रे वशी वशं नयस एकज त्वम् ॥ 10 ॥

एको बहूनामसि मन्यवीलितो विशंविशं युधये सं शिशाधि ।

अकृतरुक् त्वया युजा वयं दयुमंतं घोषं विजयाय कृष्महे ॥ 11 ॥

विजेषकृदिद्र इवानवब्रवो(ओ)३५स्माकं मन्यो अधिपा भवेह ।

प्रियं ते नाम सहुरे गृणीमसि विद्वातमुत्सं यत आबभूथ ॥ 12 ॥

आभूत्या सहजा वज्रं सायकं सहो बिभर्षभिभूत उत्तरम् ।

क्रत्वा नो मन्यो सहमेद्येधि महाधनस्य पुरुहृत संसृजि ॥ 13 ॥

संसृष्टं धनमुभयं समाकृतमस्मभयं दत्तां वरुणश्च मन्युः ।

भियं दधाना हृदयेषु शत्रवः पराजितासो अप निलयंताम् ॥ 14 ॥

धन्वनागाधन्व नाजिंजयेम धन्वना तीव्राः समदो जयेम ।

धनुः शत्रोरपकामं कृणोति धन्व नासर्वाः प्रदिशो जयेम ॥

भद्रं नो अपि वातय मनः ॥

ॐ शांता पृथिवी शिवमंतरिक्षं द्यौर्नो देव्यऽभयन्नो अस्तु ।

शिवा दिशः प्रदिश उद्दिशो नऽआपो विश्वतः परिपातु सर्वतः शांतिः शांतिः शांतिः

॥ <https://www.chalisa.online> ॥